

782—796 Pro me semper intercedere dignemini, quatenus vestris precibus veniam meorum<sup>a</sup> merear accipere peccatorum et amabilem vobiscum in die novissimo domini nostri Iesu Christi audire sententiam: 'Venite benedicti patris mei, percipite regnum, quod vobis paratum est ab origine mundi'.

Matth. 25, 34.

Vos aeterna Dei conservet gratia, fratres,  
Nominis<sup>b</sup> atque mei<sup>c</sup> memores sine fine valete.

5

## 52.

*Alcvinus Itherium abbatem S. Martini Turonensem, minus commoda valetudine usum, hortatur, ut pium quoddam votum persolvat.* 782—796.

Codd. T fol. 82—82' (T\* fol. 85), K 1 fol. 60—61, K 2 p. 172—174, A 1\* p. 124 nr. 80<sup>a</sup>.

Edd. Q 75, C 40, F 27, J 19. — Migne col. 187.

10

DILECTISSIMO PATRI IHERIO<sup>b 1</sup> ALBINUS<sup>c</sup> SALUTEM.

Cf. Iob 5, 18.

Gratias agamus<sup>d</sup> deo Iesu, vulneranti et medenti, flagellanti et consolanti. Dolor corporis salus est animae; et infirmitas temporalis sanitas sit<sup>e</sup> perpetua. Libenter accipiamus, patienter feramus voluntatem salvatoris nostri.

Ioh. 12, 35.

Sed nunc<sup>f</sup> noli tardare. Fac quod facturus es. Curre, dum lucem habes. Festina<sup>g</sup> ad eum, qui<sup>h</sup> vocat te. Quod necessitas cogit voluntas praeveniat. Esto scriba<sup>i</sup>

Cf. Matth. 13, 45.

sapiens<sup>j</sup>, negotiator fidelis: vende terrena<sup>k</sup>, eme caelestia. Quid spectatur diei crastini<sup>k</sup> incertitudo?<sup>k\*</sup> Non sit dilatio<sup>l</sup> in salute animae. Quod animo cogitetur<sup>m</sup> opere perficiatur<sup>2</sup>. Quod infirmitas optavit sanitas peragat.

Testis est, qui omnia novit mei cordis, hoc plena caritate et fideli consilio me<sup>n</sup> suadere. Scio me post te in loco tuo<sup>3</sup> talem non habere amicum. Sed<sup>n</sup> magis te velim amicum habere in honore permanente quam<sup>o</sup> pereunte<sup>p</sup>; et intercessore<sup>q</sup> apud Deum gaudere quam largitore<sup>r</sup> in seculo. Petatur a Deo auxilium, ut amicorum confirmet consilium<sup>s</sup>; et suis iter salutis ostendat, et dirigat in viam pacis quos proprio redemit sanguine. Ecce quali pretio empti sumus! Non amemus ea, quae nos<sup>t</sup> separant ab eo, qui nos usque ad mortem suae carnis dilexit. Plurimos dies saeculo satis<sup>t</sup> servivimus<sup>u</sup>: vel<sup>v</sup> paucos, qui restant, vivamus Deo nostro; ut digni efficiamur<sup>u</sup> faciem illius videre, qui dixit: 'Beati mundo corde, quoniam ipsi Deum videbunt'.

Matth. 5, 8.

Laetus lege et constanter incipe et feliciter perface. Et sit Dominus tecum in aeternum.

30

<sup>a</sup>) om. K 2. <sup>b</sup>) om. A 1\*, qui post memores addit semper. <sup>c</sup>) Atque mei nominis T, K.

52. <sup>a</sup>) Lemma: Item alia K 1; Eiusdem ad Itherium T\*; Item alia ad eundem A 1\*.

<sup>b</sup>) ill. K, A 1\*. <sup>c</sup>) illi K 2; om. K 1, A 1\*. <sup>d</sup>) agimus corr. in agamus A 1\*. <sup>e</sup>) fit sanitas A 1\*.

<sup>f</sup>) ne corr. in nunc A 1\*. <sup>g</sup>) quo K 2. <sup>h</sup>) sapiens K 2. <sup>i</sup>) et add. K 2, A 1\*. <sup>k</sup>) om. T.

<sup>k</sup>\*) incertitudo K 2. <sup>l</sup>) delatio T; delacio K 2. <sup>m</sup>) cogitatur K 1, A 1\*. <sup>n</sup>) non superscriptum est 35

in K 1. <sup>o</sup>) quem K 2. <sup>p</sup>) praeuntem K 1. <sup>q</sup>) intercessorem K, A 1\*. <sup>r</sup>) largitorem K 1, A 1\*;

largitori K 2. <sup>s</sup>) auxilium T; sequitur lacuna octo fere litterarum in K 2. <sup>t</sup>) om. K 1, A 1\*. <sup>u</sup>) satis

add. K 2, A 1\*. <sup>v</sup>) nunc A 1\*; nunc Deo nostro oportet K 1 pro vel — Deo nostro.

1) Caroli M. notario atque abbati S. Martini Turonensi c. 775--796, de quo cf. Sickel Acta regum Karolinor. I, 77. 2) Haec spectare videntur ad aedificandum coenobium Cormeriacense; quod quidem 40

conditum Itherius die 7. Febr. 791. tabula confirmavit ap. Mabilionem Ann. ord. Bened. II, 714. J.

3) in coenobio S. Martini.